



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ephemerologivm Ecclesiastio-Rubricisticum Novum

Halden, Johann Baptist

Brixinæ, 1717

§. VI. De Sermone habendo, ac facienda Absolutione circa Feretrum, aut
Castrum Doloris.

urn:nbn:de:hbz:466:1-39937

bent tres Orationes, ut in Missali suo loco.

2. In Missa solemnâ de Requiem non incensatur Altare, nisi ad Oblata post horum Incensationem, nec quidquam aliud, nisi solus Celebrans. Rubr. Missal.

3. Subdiaconus non osculatur manum celebrantis, nec benedicatur, neque tenet Patenam, neque desert Librum osculandum celebranti; ministrat tamen isti, cum incensat, & manus lavar; dum autem Sacramentum elevatur, ipsemet hoc incensat.

4. Diaconus non petit Benedictionem, nec osculatur celebrantis manum, nec incensat Librum, nec celebrantem in fine Evangelij.

5. Acolythi non portant Luminaria ad Evangelium, neque Thuribulum; tenent tamen, ut alias, medium Subdiaconum sustentent Librum Evangeliorum.

6. Nullus Ministrorum, cum aliquid porrigit celebranti, ejus manum, aut Rem, quam porrigit, osculatur.

7. In Choro genuflectunt omnes ad Confessionem, ad Orationes, & dicto per Celebrantem Sanctus usque ad Pax Domini, & ad Orationes post Communionem: in reliquis sedent, aut stant, ut in alijs Missis.

8. Si distribuendæ sint Can-

delæ (quæ deberent esse ex cera Comuni, seu flava, nisi ut apud P. de Portu P. 3. c. 6. f. 350. in adnot. ad Rubr. 3. animadvertit Castaldus, Voluntas Hæredum, aut Eorum, ad quos spectat, magis inclinaret in ceram albam) distribuendæ sunt clero post Epistolam, ita tamen tempestive, ut omnes sint accensæ Tempore debito, nempe ad Evangelium, ab hujus principio usque ad finem ejus; item ad Elevationem SS. Sacramenti, usque ad Communionem inclusive; ac denique post Missam, dum fit Absolutio.

§. VI.

De Sermone habendo, ac faciendâ Absolutione circa Feretrum, aut Castrum Doloris.

1. **S**I habendus est Sermo, habeatur finitâ Missâ ante Absolutionem, ante ipsum verò celebrans depositâ Planetâ, & Manipulô (quem cum eo etiam Ministri deponunt) induit Pluviale, vel cum Stola remanet in Albis, at Pulpitum nigro pannô Cooperitur. Concionator autem non petit Benedictionem, nec recitat Orationem Dominicam, aut salutationem Angelicam; bene tamen facit sibi imprimendo signum S. Crucis, P. à Portu, & Alij apud ipsum loc. cit.

[[O o 2]]

2. Si

2. Si finitâ Missâ faciendâ est Absolutio (idest, dicendæ Preces, ac pergendæ Cæremoniæ Exequiales circa *Tumbam*, vel *Tumulum*, aut *Lecticam* seu *Feretrum Mortuorum*, vel, ut vulgò appellant, *Castrum Doloris*) in die *Depositionis primo*, aut etiam *Tertio*, *Septimo*, ac *Tricesimo*, ejusque *Anniversario*, tunc observanda sunt ea, quæ præscribit *Missale* & *Rituale Romanum*, illud quidem, ubi post *Rubricas Generales* agit *De Ritu servando in celebratione Missæ Tit. XIII. n. 4.* hoc verò *Tit. De Exequijs &c;* additis ijs, quæ præclare ac practicè in rem hanc tradunt *Gav. To. 1. P. 2. Tit. 13. n. 4. lit. f. & seqq. Michaël Bauldry in Manual. Sacrar. Cæremoniar. Editionis novæ Venetæ P. 3. c. 14. (reipsa autem 17.) à fol. 191. Gerlac. Compend. Sac. Rit. P. 4. Tit. 9. P. Lohner Instr. pract. 1. P. 4. Tit. 3. §. 3. P. Hippolyt. à Portu Vincent. P. 3. c. 6. Annot. ad Rubr. 4.* Præcipuè verò observanda hac in parte sunt sequentia : 1. Subdiaconus ita gestet *Crucem*, ut *Crucifixus* sibi semper *terga* vertat. 2. Idem sistat se inter *Lecticam mortualem* & *Portam Ecclesiæ*, si *Lectica* seu *Feretrum* est inter *Altare majus*, & *Portam*, si autem alibi, eandem servet *Proportionem*, & *juxta eum Ceroferarij* cum *Candelabris accensis* hinc inde consistent 3. celebrans (ubi *Planeta*, & *manipulò* deposti-

tij, assumptis *Pluviale*, si habet & gestans *Biretum* in *Capite*, descendit de *Altari*) sistat se inter *Altare* & *Lecticam*, aliquantulum versus *Cornu Epistolæ*, & propius ipsum à *sinistris* *Diaconus*, & *Acolythy* cum *Aqua benedicta*, & *Incesso*. 4. *Incensum* benedicunt, & imponitur in *Thuribulum* circa *scenam Responsorij*. 5. Antequam aspergat vel incenset, celebrans cum *Diacono* à *dextris* faciat *reverentiam Altari*, ut in *Missâ*; itaque *Cruci subdiaconi*, dum circum *Lecticam* (celebrans quidem caput tantum inclinato, *Diaconus* autem flexo genu) & ter à *dextris*, ac ter à *sinistris* eam aspergat, & incenset. 6. *Diaconus* tenet *Librum*, celebrans orat *manibus junctis*, & in fine facit *manu dextrâ Signum Crucis* super *Lecticam*, dicens : *Requiem æternam &c;*; *cantores* verò dicunt : *Requiescant* (non *Requiescat*) in *Terre &c;*; licet pro uno tantum fiat *Absolutio*. *Casanova in collectan. à n. 76. & Alij.*

Quomodo autem faciendâ sit Absolutio à *Sacerdote*, qui non est *Episcopus*, aut *Prælati*, in die *Commemorati*: *omnium Fidelium Defunctorum*, tradit *Gav. To. 1. P. 4. Tit. 19. n. 19.* breviter etiam *Gerlac. P. 4. Tit. 27. n. 4.* exactissime verò, & fusiùs *Michaël. Bauldry Man. P. 4. c. 18. à n. 17.* Vide etiam *dicitur* superius die 1. & 2. *Novembrii*. Idem

Idem Bauldry Man. P. 5. à fol. 361. ex Lib. 2. Cæremonial. Episcoporum. non minùs exactè capite 10. & seqq. agit I. de Observandis ab Episcopo in *Vesperis*, & *Matutinis* pro *Defunctis*, nominatim in *Commemoratione omnium Fidelium Defunctorum*.

2. De *Missâ Pontificali* pro *Defunctis* per *Episcopum* celebranda, & de *Sermone* ab eo habendo post *Missam*. 3. de *Absolutione solenni*, ab *Episcopo*, & alijs *Prælati* faciendâ circa *Castellum Doloris*. 4. De *Observandis à celebrante Missam* pro *Defunctis* coram *Episcopo*: à folio autem 399. cap. 36. & seqq. agit 1. de *Anniversario Episcopi* proxime defuncti. 2. De *Anniversario omnium Episcoporum*, & *Canonicorum Ecclesiæ Cathedralis Defunctorum*.

3. De *Ægrotatione*, *Morte*, *Funere*, & *Exequijs* *Episcopi*, nec non de *Supplicatione* instituendâ ad *DEUM* pro opportuna novi *Episcopi* *Electi*one impetrandâ. Qui carent *Manuali Bauldry* recens impresso, consulant super prædictis ipsum *Cæremoniale Episcoporum* l. 2. & quoad prima tria *Puncta* etiam Ger-

lacum P. 7. Tit. 24. 25. 26. & 27. Vide insuper hîc dicendâ *Tit. ult. V. Absolutio*, & *V. Episcopus*, nec non *Pontificale Roman. P. 3. Tit. antepenult.* ubi de *Exequijs Defuncti*: *Cardinalis*, *Archiepiscopi*, *Episcopi propriæ Dioceseos*, *Imperatoris*, *Regis*, ac *Magni Ducis*.

Quid verò sit observandum in *Exequijs*, ac *Sepultura*, tam *solemni*, quàm *minùs solenni* aliorum, seu *Leitorum*, seu *Clericorum*, etiam *Regularium*, post *Rituale Roman. Tit. De exequijs, & sepult.* declarat pariter sæpe memoratus *Bauldry Manual. P. 3. cap. antepenultimò*, quod reipsa (nam erratum in numero ei adscripto) est *Caput 18. illius Partis*; ubi etiam in fine, quid sit agendum, si sepeliendus sit mortuus *Tempore Interdicti*, cui tota *Parochia*, vel etiam *Provincia* est supposita: De omnibus verò prædictis fusè, ac practicè agit *Castald. in Prax. Cærem. l. 2. sect. 9. c. 5. 6. 7. & 8. necnon l. 1. sect. 7. cap. 2. num. 9. 10. ac 11. & cap. 6. à num. 1. Item eodem l. 1. sect. 8. cap. 12. num. 5. & 6. ac cap. 13.*



HO03E

TITU.